

REFERAT MIA - Meeqqanut, Ilaqutariinnut Atuartitaanermullu Ataatsimiititaq d. 26-06-2025

Mødedato Torsdag d. 26. juni 2025 kl. 19:00

Mødested Kommunalbestyrelsesip ataatsimiittarfiani

Indholdsfortegnelse

| | |
|--------------------------------------------------------------------------------------------------------------|----|
| Saqqaa..... | 3 |
| Oqaluuserisassat akuerineqarneri..... | 4 |
| Nalunaarutit..... | 5 |
| Meeqqanut Ilaqutariinnullu Ingerlatsivimmi kisitsisit pingaarnertit ukiup sisamaraarterutaani siullerit..... | 6 |
| Nuummi Atuarfik Inussummi pisortanngortoq pillugu ilisimatitsissut..... | 9 |
| Erasmus+ pilersaarummi peqataaneq..... | 12 |
| Atualernissamik kinguartitsineq..... | 15 |
| Arsuup Atuarfianut nakkutilliiartornermit nalunaarusiaq..... | 18 |
| 2024-mut MISI-p ukiumoortumik nalunaarusiaa pillugit ilisimatitsissut..... | 21 |
| Tamalaat..... | 24 |
| Imaqarniliap akuerineqarnera..... | 25 |

Punkt .: Saqqaa

Ilaasortat:

Poul Petersen (D) siulittaasoq

Arnanguak Steenholdt (IA) siulittaasup tullia

Ida Julie Andersen (IA)

Doris J. Jakobsen (S)

Laura Tåunajik Uitsatikitseq (S)

Beslutning

Ataatsimeeqataasut:

Poul Petersen (D)

Arnanguak Steenholdt (IA)

Ida Julia Andersen (IA)

Laura Tåunajik Uitsatikitseq (S)

Peqataanngillat:

Doris J. Jakobsen (S)

Punkt .: Oqaluuserisassat akuerineqarneri

Beslutning

Oqaluuserisassat akuersissutigineqarput.

Punkt .: Nalunaarutit

Punkt 1: Meeqqanut Ilaqutariinnullu Ingerlatsivimmi kisitsisit pingaarnert ukiup sisamaraarterutaani siullermi

Beslutning

Ilisimatitsissut tusaatissatut tiguneqarpoq.

Bilag

tabelit

Misissueqqissaarneq kvartali siulleq

Naatsorsueqqissaarneq PowerPoint



Meeqqanut Ilaqutariinnullu Ingerlatsivimmi kisitsisit pingaarnerit ukiup sisamaraarterutaani siullermi

Ilisimatitsissut

SagsID.: EMN-2024-00008

Meeqqanut Ilaqutariinnullu Ingerlatsivik – pisortaq Frederik Lundblad / FREL

Inassuteqaat

Meeqqanut Ilaqutariinnullu Ingerlatsivimmit Meeqqanut, Ilaqutariinnut Atuartitaanermullu Ataatsimiititamut inassuteqaatigineqarpoq:

1. Ilisimatitsissut tusaatissatut tiguneqassasoq

Suliassamik saqqummiussineq

Meeqqanut Ilaqutariinnullu Ingerlatsivimmit Meeqqanut, Ilaqutariinnut Atuarfeqarnermullu Ataatsimiititamut 2025-mi kvartalimut siullermut kisitsisit pingaarnerit saqqummiunneqarput.

Tabeli 1: Meeqqat inuusuttullu ulloq unnuarlu paaqqinnittarfinnut inissinneqartut

2025-mi kvartalimi siullermi takuarput, januaarimi angerlarsimaffiup avataanut inissinneqartut katillugit 185-iusut. Kingornatigut ikiliartortut takutinneqarput, februaarimi 184-iullutik marsimilu 182-iullutik. Nuummi ulloq unnuarlu paaqqinnittarfinnut inissiinerit annikitsumik amerlipput, Tasiilamili, Paamiunili Ittoqqortoormiinilu ikiliallutik. Agguaqatigiissillugit 2025-mi kvartalimi siullermi angerlarsimaffiup avataanut inissiinerit 183,67-iupput.

Tabeli 2: Meeqqat inuusuttullu ilaqutariit paarsisartuniittut

Tabelimi meeqqat inuusuttullu Kommuneqarfik Sermersuumi ilaqutariinnut inissinneqarsimasut amerlassusaat takutinneqarput. Januaarimi 2025-mi angerlarsimaffiup avataanut inissinneqartut 68-iupput, taamaattorli amerlassusaat februaarimi marsimilu 71-inut amerlillutik. Uunga pissutaavoq, ulloq unnuarlu paaqqinnittarfinnut inissiinissaniit ilaqutariit paarsisartunut inissiinissat sallitinneqarnerat. Ilaqutariit paarsisartut tunniusimanerannik ingerlateqqiinissaannut qulakkeerumallugit akileraarutit pillugit siunnersuisoqarnissaanut neqeroortoqarsinnaavoq.

Tabeli 3: Ilaqutariit paarsisartut amerlassusaannik takussutissiaq

Tabelimi angajoqqaarsiat amerlassusaat takutinneqarput. Januaarimi 2025-imi 123-nik angajoqqaarsiaqarpoq, februaarimi 124-nngorlutik amerlipput, taamaattorli marsimi 120-nngorlutik ikilillutik. Meeqqat inuusuttullu ilaqutariit paarsisartuniittut amerlassusaasa (Tabeli 2) angajoqqaarsiallu amerlassusaasa (Tabeli 3) akornanni ataqatigiinneq takuneqarsinnaavoq, meeqqat angajoqqaarsianut inissinneqarsimasut marsimi 2025-mi ikilimmata. Tamatuma ersersippaa, ilaqutariit paarsisartut sillimasuusinnaasut ikiligaangata, meeqqat paarsarinqarnissaminnut inissinneqartut aamma ikilisartut. Taakkua saniatigut takuneqarsinnaavoq, inuussutissarsiutigalugu ilaqutariit paarsisartut amerlerialaarsimasut, tassa januaarimi sisamaniit februaarimi amerlillutik tallimangormata.

Tabeli 4: Meeqqat inuusuttullu Suliniuteqareernerme malinnaaffigineqartut. Ilaqutariit paarsisartunut inissinneqartut

Kommuneqarfik Sermersuup ataani illoqarfinni sisamani tamani takutinneqarput kvartalimi siullermi qaammatit tamaasa aalajaatsumik 18-iusartut.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.



Missingersuusionermut Naatsorsuusionermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Meeqqat tapersorsorneqarnissaannut Inatsisartut inatsisaat pillugu Namminersorlutik oqartussat nalunaarutaat nr. 11, 16. marsi 2024-meersoq.

Ilanngussat

1. tabelit
2. Misissueqqissaarneq kvartali siulleq
3. Naatsorsueqqissaarneq PowerPoint

Punkt 2: Nuummi Atuarfik Inussummi pisortanngortoq pillugu ilisimatitsissut

Beslutning

Ilisimatitsissut tusaatissatut tiguneqarpoq.



Nuummi Atuarfik Inussummi pisortangortoq pillugu ilisimatitsissut

Ilisimatitsissut

SagsID.: EMN-2023-01984

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsivimmit Meeqqanut, Ilaqutariinnut Atuartitsinermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Meeqqanut Atuarfeqarnermullu Ingerlatsivimmit matumuuna ilisimatitsissutigineqarpoq, Atuarfik Inussummi atuarfimmi pisortaq nutaaq atorfinitsinneqarmat.

Atuarfiup pisortaatus atorfik piffissami novembarip 14-ianiit decembarip 5-ata tungaanut inuttassarsiuunneqarpoq. Atorfimmut qinnuteqartut tallimaasimapput, taakkunannga marluk atorfinittussatut piukkunnaatillit oqaloqatigiinnermut aggersarneqarsimapput.

Atorfinitsitsinissamut suliaqarnermut atatillugu atorfinitsitsinissamut ataatsimiititaliaq pilersinneqarpoq, tassani ilaasortaallutik Atuarfeqarnermut immikkoortortaqarfimmi fagcheffi, Atuarfik Inussummi atuarfimmi siulersuisut siulittaasuat, Trin 1-imi atuarfiup pisortaata tullersortaa, ilinniartitsisut sinniisuat aamma atuarfeqarnermut siunnersorti.

Atorfinitsitsinissamut ataatsimiititaliami amerlanerussuteqartunit aalajangerneqarpoq Dorthe Bidstrup, atorfirmut neqeroorfigineqassasoq, marsip ulluisa aallaqqaataanni 2025-mi atorfinittussanngorlugu.

Dorthe Bidstrup 58-inik ukioqarpoq ilinniartitsisutut ilinniagaqarpoq aqutsinermilu diplomeqarluni. Dorthe Nuummeersuuvoq marluinnik oqaaseqartoq.

Dorthe ukiuni 7-ni Kangillinnguit Atuarfianni atuarfimmi pisortaavooq aamma kommunip oqartussaaffigisaasa iluanni, folkehøjskolemi, sulii atualinngitsunut kiisalu Namminersorlutik Oqartussani aqutsinermik misilittagaqarpoq. Ilanngullugu atuarfik pillugu inatsimmik ilisimasaqarpoq kiisalu ilinniartitsisut piffissaq suliffigisassa at pillugu ilisimasaqarluni.

Dorthe aqutsinermi aamma ineriartornernik suliniutinik ingerlatsinernit misilittakkani atorlugit Kangillinnguit Atuarfianni ineriartornernik suliniutinik ingerlatseqataasimavoq siuttuuffigisimallugillu, ass. Ilaqutariinnut klassit atulersinneqarnerat, Skiimat allanngortitat sapaatip-akunneranoortut kiisalu pikkorissarfik.

Dorthe isumaqarpoq atuarfimmut takorluukkat atulersinneqartut pitsaasuusut pissanganartuusullu, isumaqatigalugulu meeqqat issiaannartuussanngitsut namminnerli ilinniarnertik akisussaaqataaaffigisaga atuartinneqarnermillu nalaani aalasinnaallutik soorlutaaq atuartitseriaatsit allaanerusut atorneqarnissaat. Dorthemut atuarfik pitsaasoq tamanik tikilluaqqusisuuvoq tamanullu inissaqartitsilluni, atuarfik inuiaqatigiit ineriartornerat malillugu ineriartoqataasoq, pitsaasunik sinaakkutissalik, perosaanermik erseqqissumik ingerlatsisoq, ilinniartitseriaatsimik periuseqartoq aammalu meeqqat inooqataanerannut sammisunik, meeqqanut nukittorsaataasumik.



Dorthep pingaartippaa ataatsimoorluni kivitseqatigiinnissaq atuartuutitta ilinniakkamik ingerlaqqiffinnut pitsaanerpaanik atugassaqaqtitaallutik ingerlariaqqissinnaaqqullugit. Alloriarfinit ataasiakkaanit ikaarsaariarnerit pitsaasut pingaaruteqarnerat.

Dorthemut pingaaruteqarpoq aqutsisutut erseqqissuunissaq. Atuartunut, sulisunut angajoqqaanullu sinniisuunissaq. Suut tamarmik imminnut ataqaatigiinnerat pilersikkumallugu atuuffinnut allaaserisat aamma najoqqutassat erseqqissuusariaqarput. Angajoqqaat suleqaatigilluarneri pingaaruteqarpoq.

Atuarfik Inussummi allanik atuartitseriaaseqarnissamik takorluukkatut inissinneqareersimasoq Dorthemit isumaqatigineqarpoq. Suliniutikkuutaat aallaavigalugit atuartitsineq aqputissaassaaq atuartut namminneq ilinniarnerminnik aqutsinissaannut aamma atuarfik atuartut inuiaqatigiillu pisariaqaqtitaannut naleqqussartariaqartoq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Atuarfik pillugu Inatsisartut inatsississaattut siunnersuut nr. 15, 3. decembari 2012-imeersoq

Ilanngussat

Ilanngussaqaqanngilaq.

Punkt 3: Erasmus+ pilersaarummi peqataaneq

Beslutning

Ilisimatitsissut tusaatissatut tiguneqarpoq.

Bilag

Erasmus+ Aktiviteter – Projekt året 2024



Erasmus+ pilersaarummi peqataaneq

2022-2027

Ilisimatitsissut

SagsID.: EMN-2025-01638

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsivimmit Meeqqanut Ilaqutariinnut Atuartitaanermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Kommuneqarfik Sermersooq 2017-imiilli Erasmus pillugu pilersaarummut peqataasarpoq.

Kommuni 2022-mi piffissami 2022-2027-mut Erasmus-imut peqataanissamut piginnaatitsissummik nutaamik tunineqarpoq, tassani ukiumut 8-10-nik EU-mi suliniutinut peqataanissamut aningaasaliissutinik pissarsisinnaanissaq qulakkeerneqarpoq, tassani piumasaqaataalluni ataavartumik angusanik tunniussisarnissaq nalunaarusiortarnissarlu. Piginnaatitsissut Kommuneqarfik Sermersuumi atuarfinnut nunat assigiinngitsut akornanni suleqateqarnissamut avitseqatigiittarnissamullu peqataanissamut periarfissiissutaavoq. Ukioq siulleq klassit arfinillit, Ittoqqortoormiini Ejnar Mikkelsenila Aluarpianit klasse ataaseq ilanngullugu, aallartinneqarput.

Ukioq atuarfiusoq 2023/2024 Erasmus+'-mi sammisassaqtitsinernut atuarfiit tulliuttut peqataapput:

- Atuarfik Hans Lyngemit klassit pingasut peqataapput: Paris, Frankrig (atuartut 17-it, ilinniartitsisut 3-t), Oria, Spanien (atuartut 19-it, ilinniartitsisut 3-t) aamma Barcelos, Portugal (atuartut 18-it, ilinniartitsisut 3-t).
- Kangillinnguit Atuarfianit klassit pingasut peqataapput: Trångsund, Sverige (atuartut 18-it, ilinniartitsisut 3-t), Korsika, Frankrig (atuartut 14-it, ilinniartitsisut 3-t) aamma Ny Kaledonien (atuartut 10-t, ilinniartitsisut 3-t).
- Nuussuup Atuarfianit Slovenienimi atuarfik suleqatigineqarpoq (atuartit 13-it, ilinniartitsisut 3-t).
- Atuarfik Samuel Kleinschmidtimit klassit marluk peqataapput: La Flèche, Frankrig (atuartut 18-it, ilinniartitsisut 3-t) aamma Vincennes, Frankrig (atuartut 21-t, ilinniartitsisut 3-t).

Ukioq atuarfiusoq 2024/2025 Erasmus+'-mi sammisassaqtitsinernut atuarfiit tulliuttut peqataapput:

- Atuarfik Inussummit klassit sisamat peqataapput: Tyskland (atuartut 20-t, ilinniartitsisut 3-t), Belgien (atuartut 19-it, ilinniartitsisut 3-t), Italien (atuartut 23-t, ilinniartitsisut 3-t), Italien (atuartut 18-it, ilinniartitsisut 3-t).
- Kangillinnguit Atuarfianit klassit marluk peqataapput: Italien (atuartut 21-t, ilinniartitsisut 3-t), Spanien (atuartut 24-t, ilinniartitsisut 3-t).
- Atuarfik Hans Lyngemit klassit marluk peqataapput: Spanien (atuartut 14-it, ilinniartitsisut 3-t), Spanien (atuartut 19-it, ilinniartitsisut 3-t).

Ingerlatsivimmit aningaasatigut sulisoqarnikkullu naliliinerit



Ingerlatsivimmit nunat assigiinngitsut akornanni suliniuteqarnerup pitsaanerulersimanera atuartut ilinniartitsisullu atuagarsornikkut inooqataanikkullu ineriartornerannut kiisalu atuarfiit pitsaassusaannut nutaaliorinnaanerannullu pitsaasumik tunniussaqaarsimasoq.

Isumaqatigiissut Erasmus+ aningaasaliissutinit pingaarnertut aningaasaliiffigineqartarpoq. Erasmus+'-imit tapiinissamut iluseq malillugu 80 %-it siumut akiliutitut tunniunneqartarput, sinnerilu 20 %-it akuersissutigineqartumik nalunaarusiornerup kingorna tunniunneqartarlutik.

Tamatuma saniatigut kommuni ProGreenlandimik, piginnaatitsissummik nalunaarusiornermillu suliaqartartunik suleqateqarnermit aningaasartuuteqartarpoq. Aningaasartuutit taakku ingerlatsivimmi missingersuutinit matussuserneqartarput.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Kommuneqarfik Sermersuumi kommunalbestyrelsimi 2025-miit 2029-mut Inuit Ataqtigiiit aamma Demokraatit suleqatigiinnissamik isumaqatigiissutaat
- Atuarfik pillugu Inatsisartut inatsisissaattut siunnersuut nr. 15, 3. decembari 2012-imeersoq

Ilanngussaq

1. Erasmus+ Aktiviteter – Projekt året 2024

Punkt 4: Atualernissamik kinguartitsineq

Beslutning

Ilisimatitsissut tusaatissatut tiguneqarpoq.



Atualernissamik kinguartitsineq

Ilisimatitsissut

SagsID.: EMN-2023-03720

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsiviup Meeqqanut Ilaqutariinnut Atuartitaanermullu Ataatsimiititamat inassuteqaatigaa:

1. atualernissamik kinguartitsinissaq pillugu ilisimatitsissut tusaatissatut tiguneqassasoq

Suliassamik saqqummiussineq

Atuarfik pillugu Inatsisartut inatsisissaattut siunnersuut nr. 15, 3. December 2012-imeersoq, § 31, imm. 2 naapertorlugu angajoqqaat qinnuteqareernerisigut akuersereernerisigulluunniit kommunalbestyrelsen akuerisinnaavaa meeqqap atualernissaata atuartitaasussaataitaanerup aallartinneraniit ukiumik ataatsimik kinguartinneqarnissaa, tamanna meeqqap ineriikkiartorneranik patsiseqarpat.

Meeqqanut Atuarfeqarnermullu Ingerlatsivik ukioq atuarfiusussamut 2025/2026-mut atualernissamik kinguartitsinissamut qinnuteqaatinik pingasunik tigusivoq.

Meeqqanut Atuarfeqarnermullu Ingerlatsiviup nalilerpaa, atualernissamut kinguartitsinerup tunngavilersuutai suliatigut tunngavissaqartut taamaammallu allaffissornikkut qinnuteqaatit akueralugit.

Meeraq 1

Meeraq immikkut pisariaqartitsisuuvoq, taamaattumik ikorfartorneqarnissaminik ilitsersuunneqarnissaminik immaqaluunniit peqatigineqarnissaminik toqqissisimanissaa ilorrisimaarnissaalu anguniarlugu pisariaqartitsilluni.

Meeraq oqalunniarnermigut piginnaasatigullu ineriartornermigut ukiuminut naleqqiullugu kinguarsimasuuvoq. Amerlanertigut assigusunik pinnguartarpoq, meeqqat allat peqatigigaangamigit.

Amerlanertigut meeraq nerriviup saavani issiasinnaangilaq, amerlasuutigullu suliakkiissutinut ukkassisinnaanani immaqaluunniit inersimasut ilitsersuutaannut malinnissinnaanani tamannalu atuarfimiit naatsorsuutigineqartunut meeqqamut annertuumik unammillernassaaq.

Piffissaq kingulleq meeraq oqalunniarnermigut inooqataanikkullu ineriartorpoq tamanna ilutigalugu meeqqap toqqissisimaneq misigivaa aammalu meeqqerivimmi imminut upperinerulluni, tamannalu nalilerneqarpoq, meeqqap ineriartorneranut pitsaanerpaasoq, ukioq ataaseq meeqqerivimmeqqikkuni.

Ukioq ataaseq meeqqerivimmeqqinnermini, meeqqeriviup meearlu pineqartup inooqataanermigut attaveqarniarnermigullu ineriartorteqqinnissaa suleqatigiissutigissavaat, angajoqqaat suleqatigalugit oqaasertusarnissaata ineriartortinnissaa.

Meeqqeriviup meeqqap meeqqat allat peqatigalugit sammisaqartarnissaa ikorfartussavaa, aammalu sinaakkutinik ineriartortitsilluni, meeqqamut malitassanik malinninnissaanut periarfissiisussamik, suliassiissutinik assigiinngitsunik naammassinnissinnaangorlugu.

Meeraq 2

Meeraq suli oqaaseqanngilaq. Meeqqamut angajoqqaajusut atualernissamik kinguartitsinissaq kissaatigaa, meeraq annertuumik oqalunniarnermigut ajornartorsiuteqarmat. Meeqqap meeqqeriviani aqutsisut atualernissamik kinguartitsinissamut tapersiippat, meeqqap oqalunniarnikkut ajornartorsiuteqarnera pissutaalluni, ilaatigut sakkortuumik pissusilersornerminik



ajornartorsiuteqarmat. Taamaattorli meeqqap ineriartornera siuariartorpoq, tamannalu attanniarlugu atualernissamut kinguartitsinissamik qinnuteqaateqarpoq.

Meeraq 3

Meeqqamut akisussaasut atualernissamik kinguartitsinissaq kissaatigaat. Meeraq suli oqaaseqanngilaq. Eqqissilluni sivirusumik issiasinnaanngilaq aammalu ukkassilluni suliaqarnissani unammillernartippaa, immaqaluunniit inersimasut ilitsersuusaaannik malinnissinnaanani. Taamatuttaaq meeqqanut inersimasunullu sakkortuumik pissusilersornerminik ajornartorsiuteqarpoq. Ulluinnarni suli nangeqartarpoq. Taamaattorli meeqqap ineriartornera siuariartorpoq, tamannalu attanniarlugu atualernissamut kinguartitsinissamik qinnuteqaateqarput.

Siunnersuutit – suliamut tunngatillugu naliliineq

Meeqqanut Atuarfeqarnermullu Ingerlatsiviup nalilerpaa, meeqqat atualernissaannut kinguartitsinissamut tunngavissaqartoq, angajoqqaat qinnuteqataat tunngavilersuutaallu, kiisalu qinnuteqaatinut akuersinissamut meeqqeriviit suliaat innersuussinerallu tunngavigalugit. Aammalu Ingerlatsivik isumaqarpoq, qinnuteqaatit inatsit erseqqissarnerani naapertuuttut, meeqqat ineriartornerisa sukkassusaat assigiinngitsuusut, ikioqatigiillu assigiimmik atualernissaminnut piareeqqasariaqanngitsut.

Suliap nangeqqinnera

Meeqqanut Atuarfeqarnermullu Ingerlatsiviup kinguartitsisut pingasut ingerlateqqissavai ima, 1. klassemi atualertussat 2026/2027 allatsilerpata allatsinneqassasut.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Atuarfik pillugu Inatsisartut inatsisissaattut siunnersuut nr. 15, 3. December 2012-imeersoq

Ilanngussat

Soqanngilaq.

Punkt 5: Arsuup Atuarfianut nakkutilliarturnermit nalunaarusiaq

Beslutning

Ilisimatitsissut tusaatissatut tiguneqarpoq.



Arsoop Atuarfianut nakkutilliiartornermit nalunaarusiaq

2024

Ilisimatitsissut

SagsID.: EMN-2025-01633

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsivimmit Meeqqanut Ilaqtariinnut Atuartitaanermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq
2. suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Atuarfik pillugu Inatsisartut inatsissaattut siunnersuut nr. 15, 3. decembari 2012-imeersumi § 43 naapertorlugu Kommunalbestyrelse ataavartumik atuariit ingerlanneqarnerannik nakkutilliiisussaataavoq. Arsoop Atuarfianut nakkutilliiartorneq oktobarip ulluisa arfineq-pingajuanni 2024-mi ingerlanneqarpoq.

Atuarfimmi atuartut arfiniliupput, holdinut marlunnut agguataagaallutik, atuarfimmi aqutsisumik timelærerimillu sulisoqarluni. Atuarfimmi immikkut atuartitsinermik ingerlatsisoqanngilaq, inunnik isumaginninnermik siunnersorteqanngilaq tarnillu pissusiinik ilisimasalittaqarani.

Atuartitaasussaataaneq malinneqarpoq, aamma atuartitsiviup sivirususia sivikinnerpaaq malinneqarpoq.

Atuarfik illutamigut unammilligassaqarpoq, tassunga ilanngullugit igalaat aserornikut, aserfallatsaaliisoqarsimanginneq IT-mullu atortut eqqortumik ikkunneqarsimangitsut.

Najukkami tunniusimalluartoqarpoq aamma atuarfimmi aqutsisoq ersarissumik tunniusimavoq.

Atuarfik suliassaqarfiit ilaatigut aaqqissuussinermik amigaateqarpoq, tassunga ilanngullugit atuartunut tamanut iliuusissatut pilersaarusiornerit ataatsimiinnernillu imaqarniliat. Angusakka ukiumullu pilersaarutit atornerqarput kisianni pitsanngorsagassaapput angajoqqaanillu peqataatsinerusoqartariaqarpoq. Atuartut oqartussaaqataanerat atuartut ikinnerat pissutigalugu ataatsimut ataatsimiisinnerqarneratigut qulakkeerneqartarpoq.

Atuarfik nalinginnaasumik ingerlalluartutut nalilernerqarpoq, toqqissilluni ilikkarfiusinnaasumik avatangiiseqarluni kisianni teknikkimut aamma illumut tunngasuni unammilligassanut kiisalu allaffissornikkut malinnaaviginninnissatigut tapersorsorluarneqarnerusariaqarluni.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Atuarfik pillugu Inatsisartut inatsisissaattut siunnersuut nr. 15, 3. december 2012-imeersoq

Meeqqanut, Ilaqtariinnut Atuartitaanermullu Ataatsimiititaq, 26.06.25



Ilangussat

1. Arsuup Atuarfianut nakkutilliarernermit nalunaarusiaq 2024

Punkt 6: 2024-mut MISI-p ukiumoortumik nalunaarusiaa pillugit ilisimatitsissut

Beslutning

Ilisimatitsissut tusaatissatut tiguneqarpoq.

Bilag

2024-mut MISI-p ukiumoortumik nalunaarusiaa



2024-mut MISI-p ukiumoortumik nalunaarusiaa pillugit ilisimatitsissut

Ilisimatitsissut

SagsID.: EMN-2020-01461

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsivimmit Meeqqanut Ilaqtariinnut Atuartitaanermullu Ataatsimiititamut inassuteqaatigineqarpoq:

1. Ilisimatitsissut tusaatissatut tiguneqassasoq
2. suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

MISI-p 2024-mut ukiumoortumik nalunaarusiaani suliassat pingaarnerit kommunimilu meeqqanut inuusuttunullu perorsaannerit tarnillu pissusiinut tunngasunik siunnersuinerit tunngasunik ineriartorsimaneq allaaserineqarpoq. 2024-mi siusissukkat pitsaaliuinermilu suliniutit kiisalu atuarfinni, ulluunerani neqeroorutini angajoqqaanillu assigiinngitsunik siunnersuisinnaanerup pitsanngorsarneqarnissaa ukkatarineqarpoq.

MISI-mi sulisut 2024-p ingerlanerani Kapisillit, Arsuq, Kulusuk Tasiilarlu angalaffigaat. Novembarimi Paamiunut angalanissaq pilersaarutaasoq kinguartinneqarpoq. Ukiup ingerlanerani MISI-mit digitalikkut periarfissat annertusineqarput Nuup avataaniittunut ulluunerani neqeroorutitut TEAMS-ikkut atuartitsinerit siunnersuinikkut.

2024-mi atuarfintut, ulluunerani neqeroorutitut aamma angajoqqaanik suleqateqarnermi meeqqanut inuusuttunullu unammilligassalinnik ajornartorsiutilinnillu toqqaannartumik oqaloqatigiissutiginninnerit 1.118-iupput. Taakkua saniatigut ukiumoortumik immikkut atuartitsinerit naliliiffigineqarneri 202-t suliarineqarput.

Angajoqqaanik saaffiginnissutit ajornakusoortut amerlaneruleriartorneri ersippat, ilaatigut tarnikkut ajornartorsiuteqarnermut, avinnermut, aliasunnermut aamma imminut toqunnissamut eqqarsaatersornermut tunngassuteqartut.

1. oktobari 2024 aallarnerfigalugu ataqatigiinnerusumik suliniuteqarneq pitsanngorsarniarlugu Atuarfeqarnermut immikkoortortaq MISI-lu kattunneqarput ataatsimik fagchefeqalerlutik.

Tamakkiisumik isiginnittaaseqarluni siunnersuinikkut pitsaasumik meeqqanut isiginnittaaseqarnerup aamma ulluunerani neqeroorutini atuarfinnilu atugarissaarnerup siuarsarnissaannut sulii aqqissuussaasumik suliaqartoqarpoq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.



Inatsisitigut tunngavissaq allakkallu tunngaviusumik uppersaatillit

- Meeqqanut suli atualingitsunut perorsaanikkut inerikkiartuutaasunik ulluunerani neqeroorutit pillugit Inatsisartut Inatsisaat nr. 62, 20. novembari 2023-meersoq.
- Atuarfik pillugu Inatsisartut inatsisissaattut siunnersuut nr. 15, 3. decembari 2012-meersoq
- Meeqqat atuarianni immikkut atuartitsisarneq aamma allamik immikkut ittumik perorsaanikkut ikiorsisarneq pillugit Namminersorlutik Oqartussat nalunaarutaat nr. 21, 6. december 2017-meersoq
- Meeqqat tapersorsorneqarnissaannut Inatsisartut inatsisaat nr. 20, 26. juuni 2017-meersoq

Ilangussat

1. 2024-mut MISI-p ukiumoortumik nalunaarusiaa

Punkt .: Tamalaat

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 16:40.